



三淵集

詩

卷十八

~ 16  
2423  
8



和  
2423  
18-8

三淵集卷之十五目錄

詩

葛驛雜詠 一百七十三首

又賦 七首 第一三四

湖海亭次李玉山韻 二首 五二

次沈漁村韻 二首 五

湖亭雜詠 五首

草堂主人乃者一棹相尋又惠以兩律忘慚步

韻旋呈據梧之下 二首

贈宗人安東金君實



湖亭將別贈同榻二子

戲吟贈辛先達

留題浦南僊莊

橫溪驛

入洞口

五臺山 五首

上院

漫吟示同游

出谷 四首 第一二

贈高生達明

臨別贈辛君澤之

哭俞君四墓述哀追挽 五首

彥姪新屋成士敬又來過得煙字同賦

南都正 宅夏 挽二首 第一

朴叅判 鳳齡 挽

崔進士 致城 挽二首 第一

杪秋之望設宗會于心臺酒後口占 二首 第一

心臺別寤齋之任安岳 二首

寄題朴士賓書軒

尹斯文士清 堤 惠投四律步韻却寄 四首 第一二三四

露頂軒次主人韻

贈鵝湖李繼晟 三首 第一

訪寧平君 泗山莊

麥巖鳴鶴齋題石面 十首

次李都正 涑寄示韻

三淵集卷之十五

詩

葛驛雜詠 戊戌

籬前何所見大小麥黃黃那分人我飽生意覺舒長

其二

日夕看雲起多從永矢菴遐心與之泛往往挂松楠

其三

碧澗洋洋去隨波意森然昭陽亭下到方合谷雲川

其四

三四村依崦蓬廬帶石田沉沉多雨後炊麥少浮煙



其五

鋤休渡碧澗牛返負青芻晚入煙中去天然谷口圖

其六

人方掩幽戶雲亦返高岑鷓鴣飛不息何樂在叢林

其七

靜鬧關心事安危度日愁誰知碧雲寺僧病滿高樓

其八

寥寥京信斷伯氏病何如獨夜瞻台斗晴芒滿碧虛

其九

書來知病歇一與我心瘳老婢能知意山醪進一甌

其十

吾詩千百首太半李生胸人亡無可討湖上問魚龍

其十一

自失維摩後吾慚道不高巖阿松桂老來倚淚霑袍

其十二

清厨明府念縛致數雞兒將何代爾命巖菌配園葵

其十三

民飢官不養犬瘠復誰憐禦盜無勳祿惟應哭向天

其十四

今日看廉耻青独肚裏存尋常櫟釜際不欲向厨蹲

其十五

蓬門終日閉板屋老翁眠雨聲疎且密閒夢半成圓

其十六

簷鈴清叶樂階沫妙成珠衰年聞見透邂逅得玄樞

其十七

浮漚萬萬箇合散在須臾求名與求利浪作百年圖

其十八

原於無極真凝作萬殊器不知漚滅後理向何邊寄

其十九

陰陽元兩葉百草見圓通短長兼闊狹箇箇合尖同

其二十

萬象雖自立無風態不成鼓松成韻節扇柳發神情

其二十一

川雲拂危石峰翠落虛潭原來一而二好自各相涵

其二十二

淵合山象止峰幻海濤奔於斯見體用一一驗同源

其二十三

附子非大黃大黃非附子徒分黃附色不察附黃理

其二十四

程書朱訓在甲是乙非生安在程朱後無勞格致精

其二十五

人知雨潤物不識風爲功生成待申令妙運入無窮

其二十六

試看雲青白應緣受日暉閃露隨方便文章此發揮

其二十七

百曲奔流壯知添夜雨多岸松歌欲舞明滅見跳波

其二十八

煙光低著野溪響壯殷山求詩或求理多在森茫間

其二十九

向夕村童散收牛美草中隔溪聞折木巖上挂玄熊

其三十

鬼麥看看熟林熊逐逐來砲軍常不遇窺迹只空廻

其三十一

由來后稷法傳在兩西人能風與耐旱壅本最爲神

其三十二

場場打麥聲戶戶蒸麥煙兩年新舊際如息半途肩

其三十三

未熟人盡餒旣熟人未閒村春徹晨夜使我腳心酸

其三十四

誦易意悠然卧看籬外天晴光泛高柳知與十洲連

其三十五

月自雪山來照吾蓬戶裏容光何闊狹靈府已無滓

其三十六

耘耔晨趨野漁樵暝渡川深知素餐叟有愧健行天

其三十七

衰年偏嗜麥一飽不求餘青瓜摘可配已厭嶺東魚

其三十八

作者未必居他人或入室經年一板屋來卧百愁失

其三十九

物有成壞理人多存沒悲百年頻徙宅反自哭遺基

其四十

蘇門善清嘯阮籍善長哭無心也有心皓首留空谷

其四十一

安危自時運看取大風來或見柔麻立頻逢勁木摧

其四十二

由來胡運短新舊代興頻苻秦與石羯未必毒斯民

其四十三

哦詩皇極殿把酒暢春園徒誇文治盛不復霸心存

其四十四

豚犬景升子參商袁氏兒老酋無葬地排悶強題詩



其四十五

西胡蹲似虎鼓頰欲生風應同劉勃勃唾手得關中

其四十六

天衰理亦弱曆數在氈裘更番皇極殿各自講春秋

其四十七

天星錯虛斗河道汨江淮乾坤成破噐人理固多乖

其四十八

碣石旄頭盛金陵寶氣殘縱有真人出應知定昂難

其四十九

關中久荆棘烽火繞甘泉宋祖徒虛睨周風已索然

其五十

洛陽開四面用武亦難便可知天棄久被髮自伊川

其五十一

都梁大小李經解妙研鈎如知尊孔子胡不此乘桴

其五十二

久雨見白雲欣如逢好人牕間來邂逅枕上會清真

其五十三

盤受籬東麥甌承柳下泉粗安窮老分利過險艱年

其五十四

久雨魚商斷寥寥石路平忽思騎快馬閒向洛山征

其五十五

青臯晨露滑清潤正堪餐西風且輕拂畱待日高乾

其五十六

野屋苦多風蜂兒懶入筒應知深處樂飛入百淵中

其五十七

萬箇蜂爲隊行隨大將符今世登壇者嗟嗟鄧大夫

其五十八

簷斷街泥燕林稀喚婦鳩坐知風氣別終是卜居幽

其五十九

抱外雞能靜曾無轉睛時人能專若此凝道定無疑

其六十

老矣無心力勤眠懶讀書韋編畱枕畔風至自披舒

其六十一

欲第池上草濂溪有意思欲逐池中蛙稚圭無鼓吹

其六十二

魚是吾同樂蛙於物可憎欣厭猶多事天機任各能

其六十三

靜卧仍清坐池虛乍有風溪山流萬象都入寸襟中

其六十四

池面涼颼度淪漣悅眼多蜻蜓來往捷微點不成波

其六十五

水底多晴嶂沖融影翠深纖鱗知夕景競躍豈無心

其六十六

日日松棚上喃喃誦易長淵明涼處卧容易見羲皇

其六十七

商鉅馳方息蜻蜓點以過澄虛真體在知有不曾波

其六十八

空行元自適隊戲又相求照水霜髯叟如何喜獨遊

其六十九

實愧壇之杏何須堂有鱣寥寥送爾後無復揖於前

其七十

應知天使獨惟與鹿為隣參商與泉壤多是會心人

其七十一

濕濕川邊耳閒閒草上眠如何蕎麥播又復紛繩牽

其七十二

澤草如人髮朝朝剪却抽存畱有妙理魚隊鹿身幽

其七十三

未會觀心理多從水底尋澄虛時刻少雲物見浮沉

其七十四

山叟工投筍厨煙見煮魚終同藜不糝斷穀一旬餘

其七十五

山藏千卷書我腹未爲笥真如誦已言終屬外邊事

其七十六

六經皆我註黃葉止見啼其言太凌厲亦足警沉迷

其七十七

三淵龍不受百淵虎相凌從今池上卧改號曰松棚

其七十八

收牟不待黃耗縮數旬糧含胎耳麥穉可惜已登場

其七十九

登箕似空殼作粥勝香粳君看茗飲苦後味甘生

其八十

著草形如菊紫英開滿叢誰知聖人用晦彩混蒿蓬

其八十一

赤日射池面池光斜蕩楹尋常七情外客感又橫生

其八十二

莫大蠅蟲害雖誅罪不容猶能警余惰不遣午眠濃

其八十三

亭清蠅不到聒耳有蛙聲休求全勝地但可處心平

其八十四

有興蛙能鼓逢時蚓亦歌人方丁大札京野哭聲多

其八十五

晨光蓐食去夕露把鋤歸何曾有徵發各欲願無違

其八十六

萬物皆相見三農各自忙松棚取涼者能事午眠長

其八十七

嗟吾老不死猶欲四肢安半日韋編課其能免素餐

其八十八

沙門能禮佛我不禮先師沙門能念佛我不念宣尼

其八十九

朝鮮多情士貧不事農商親飢猶憇視吸草坐高堂

其九十

江都與鳥嶺按迹築城忙如從箭影去落處輒幘張

其九十一

孫子有名言備多無不寡土國以埋民誰爲此計者

其九十二

周時立六典官號到于今稽考非難事包羅無大心

其九十三

泥古惟王氏誣真又五峰誠能知損益此道卽中庸

其九十四

小邑猶綱紀森嚴列六官朝廷却散漫充位足尸瘠

其九十五

皇明官制失文士據台鉉深知宦寺害只坐相無權

其九十六

吾東取人法大抵襲皇明十場詞策論猶可取經生

其九十七

媿白抽黃體龍墀刻燭呈丈夫能事畢九萬里鵬程

其九十八

程文非載道帖括亦憐經禮樂兵刑責籌司坐大廳

其九十九

文章貴達意何必片時成軍中倚馬檄難仗兔園生

其百

儷文開捷徑喪國此爲胎菁莪無俊士廊廟乏賢才

其百一

聲利驅人久紛挐世界昏間亦拋科舉依然巧僞存

其百二

滌池如有待纖月送飛光潛魚松檻底聽我誦詩長

其百三

晨把韋編出松棚坐若禪不知青嶂雨池面散文圓

其百四

巖扉開又歛紅日逗何峰松棚饒爽韻又望嶺頭松

其百五

東家牛解絲折半西家梁各責仁忠道仍成講話長

其百六

虛舟利行世飄瓦怨無人未能鱗甲剗難以處閭隣

其百七

熊蹯味太珍噬腊摧吾齒由來藜藿腸多後膏梁死

其百八

衰年苦背熱板屋得涼廳洒落三庚過求衣每犯星

其百九

窄牖東溟日疎籬北極星隨身上下穹在敢不著惺惺

其百十

蚊雷猶未動牕外蜜蜂譁中權嚴號令萬隊赴晨衙

其百十一

世間二惑在療病用巫婆鹵莽耕區闢儻侗讀遍多

其百十二

一旬淫雨止民道穀焦黃天惟疲應接未易作君王

其百十三

人惟求捷徑臨事只趑趄若問何書好知渠懶讀書

其百十四

華以無法喪夷以有法亡弓刀博鉛槧知爾勢難長

其百十五

中原吾不見欲往厭腥羶偶自臨東海初非慕魯連

其百十六

蓬萊連雪岳沿海白鷗沙可惜瓊瑤界孤雲迹未賒

其百十七

洞天幾福地未若聖畱奇清寒三日迹疑有未收碁

其百十八

青瓜著小圃目下見延縈冉冉登柴架寧非有性情

其百十九

泥蛙行步蹇青者獨輕驕登簷歌不已無乃翰音妖

其百二十

州縣欺方伯監營謾廟堂若欲民無詐須令上施光

其百二十一

麟邑數千戶民無逢掖衣白首猶茫昧尼懷大是非

其百二十二

陰晴當否講梁菽短長評此外無唇舌林蟬一兩聲

其百二十三

沈寥涼雨後天淨雪山高怪底松棚上玄蟬第一號

其百二十四

朝誦乾坤卦文章似活龍可怪縱橫筆來從正大胸



其百二十五

未曾看繫辭知易爲何物爛誦却回看羣龍毛色別

其百二十六

有動誰無咎忘言或寡尤山林好藏拙非爲白雲留

其百二十七

鑽燧代木食如斯可免飢猶言味淡薄周鼎百珍滋

其百二十八

周公太多事老氏太無事範圍與曲成吾道用須費

其百二十九

人生須飲食此道苦難平輕災腹生痛大患國交兵

其百三十

羊奔華氏甲鼃解鄭侯身陳平獨解事社肉割能均

其百三十一

蒸潤雲天象忘憂獨在茲乾餱恐失德此意薛宣知

其百三十二

難明是道理誰免命辭差晦翁頻改註初說蓋多訛

其百三十三

前人經解誤強欲費周旋泥中羅漢倒扶者却同顛

其百三十四

脫酒復脫酒是非還是非何拘師與祖循物貴無違

其百三十五

光風與霽月何存在在虛心休令生障礙洞視去來今

其百三十六

臨塘柳五株松檻與撐扶聊為三夏結不是百年圖

其百三十七

蓮藕栽難著魚苗種不蕃空留澄水在照見雪山根

其百三十八

鋤歸池月上農語柳陰中未可無謳唱吾將述九功

其百三十九

耘梁鋤未洗春麥語多喧農家何日靜以此送晨昏

其百四十

蓬火驅蚊蚋煙繁損月輝麻中雙杵急深夜撼牕扉

其百四十一

五行火為凶生木還燒木人間有逆見其父死桎梏

其百四十二

吾被官鬼剋剋鬼還吾子天垂報仇象共戴兒之耻

其百四十三

嶺有凍死女兒啼伏其傍村氓收置膝依例喚爺孃

其百四十四

天屬不可恃狎恩恩亦竭螟蛉類螺贏肝膽成楚越

三淵集  
其百四十五

玄熊頻下田腸裂砲軍手爾死將怨誰庖犧爲禍首

其百四十六

庖犧六十卦胡獨取諸離要令人獸別禮樂可施爲

其百四十七

池心見碧林太半柳垂陰不知蟬所抱嘒嘒但清音

其百四十八

凌風慕羽化吸露厭腥臊不知朱子友能敵此清高

其百四十九

麻高斯可緝時候鷓將鳴炎涼真俯仰頗覺葛衣輕

其百五十

牡麻歸祭冕牝麻作喪衰陰陽有定理分別聖人爲

其百五十一

銀杏偶方實野藤宵輒交乾男與坤女在物亦同條

其百五十二

陰陽兩故化坤作承乾始茲理本自然逃之爲佛氏

其百五十三

虞舜茹草甘宣尼飯蔬樂擇味必熊蹯嗟嗟口業惡

其百五十四

人皆重口腹誰復嗜節義當食取熊掌臨死或巧避

其百五十五

亭午憑松檻寥寥何慮思涼風吹面好却恐浪生池

其百五十六

池邊老翁坐閒話偶移時苦云家事剝賣板有癡兒

其百五十七

黃腸山有禁民斧集如麻誰教猱升木王盜卽官家

其百五十八

麻藝官僮僮燒畬破翠微趨走琴軒下無非是短衣

其百五十九

齊威一何猛鼎爛大夫肉如令此法行庶見百姓足

其百六十

人獸迭消長世衰豺虎至周公驅猛獸深得庖犧意

其百六十一

昧義人亦獸懷仁獸是人令人愧古獸有耳聽韶勺

其百六十二

因花卽結實百卉皆如此玉秫何奇詭腋生如老子

其百六十三

作善須明白求中義更玄勿以鄉愿正深論夷惠偏

其百六十四

吾生始墮地金瞽示明徵能文阻科甲奇迹似山僧

其百六十五

力穡終無穫懷山輒遂謀殘年飯不足將伴僿佗游

其百六十六

平生於事拙不可做工商見時解象戲老去鈍詞章

其百六十七

平生於事苟不可任經綸幹事如無骨治人只小仁

其百六十八

平生於學淺粗涉聖賢言徒然博觀外全未造玄根

其百六十九

平生於術略假令豈玄樞草木胸中積麻衣與火珠

其百七十

平生與人冷未契瞪相看萬言繁理妙半句止暄寒

其百七十一

平生御下緩箠楚廢於家不復奴郎辨還令子弟嗟

其百七十二

平生閱人衆會意亦無多尤翁山峙脚拙叟海騰波

其百七十三

平生作舍屢起滅屢樓虛辛勤雪山築衰晚谷雲居

又賦

葛驛畱無興愁顏對雪山民因經疫僊牛自輟耕閒

三淵集  
麥偃團團野松扶淺淺灣猶存畏虎意未夕掩荆關

其二

耘田奴僕散獨卧意悠哉松釀當牕潑韋編倚枕開  
涼颼生杞柳赤日照蒿萊不作登山計惟應興盡迴

其三

兩水如襟合吾廬關向西雖無親澗壑亦自襲雲霓  
草沼羣蛙產蓬門一鳥啼遙山來驟雨簷溜瀉青畦

其四

閒行逢蛺蝶翔集草花頭何處尋芳至移時啜菜留  
救饑咸有術同氣自相求釀蜜蜂多事終然鼎鑊愁

其五

風扉開又闔靜卧見天機天下何思慮人間自是非  
隨緣闖闖迹反素芰荷衣脫洒無粘滯寧非至道歸

其六

初無肉食相所以處深山綠蕨充枯肚玄芝待好顏  
一窮能自固百事做猶艱更有忘飢處觀魚坐碧灣

其七

寂寂爲亭午人稀不掩扉雞雛仁可見鳥語理無違  
故紙堆焉用虛心悟有機於今知靜味六十五年非

湖海亭次李玉山韻

三淵集  
殘年活計吸東溟天水身心兩際冥度枕漁帆風拍  
拍照牀湖月影亭亭鴻鳧小渚吞彭蠡鯨鰐洪波隘  
洞庭解事玉山題品在古今相接幾移星

其二

方知物巨莫如溟目極魂迷竟森冥欲釣吞舟徒壯  
語惟賓出日自高亭銀河赤岸空明界鬱島扶桑浩  
蕩庭歲暮金丹延佇久羣僊憐我鬢星星

次沈漁村韻

髣髴二山與五城秦皇漢武見餘情金銀宮闕光難  
定魚鱉橋梁叱未成捲幔聊爲向若笑刺船時復採

菱行澄湖夜色通河漢槎路秋來倍覺明

其二

波心匿影尚殘城何限臨湖感古情蠻觸無憑甌山  
立鷗鳧有伴草亭成煙雲曉夕詩將化天澤高低易  
亦行已是忘魚魚在渚釣船虛受月華明

湖亭雜詠

月出多奇變勝於日出時層層金塔涌湖面漾光遲

其二

二子刺船去煙波延碧虛何須同鼓枻相望水僊如

其三

三浦集  
海月織如鈎殘星在其下來往白蘋洲興歸收網者

其四

鏡湖三十里深不没人肩無復安危慮船行興自全

其五

藏船白蘋岸船走入洪溟爲報湖魚道從容近我亭

草堂主人高卧罕出乃者一棹相尋非夷所思  
又惠以兩律屬意勤而陳義高愧無以當之然  
緣其難當遂斷來往則非所謂永爲好也忘慚  
步韻旋呈據梧之下

鏡水南邊閉戶人早知康濟自家身清狂未欲天隨

伴玄默猶堪杜五親自有樵風借方便初逢海鶴揖  
精神傳筒更在煙波上三歎詩情夙出塵

其二

鏡水澄明不受塵船行耐可百千巡鷗鳧盟約焉能  
負菱芡生涯也未貧彭澤柴桑元一里杜陵錦里亦  
同人草堂縱欲相題品燕石隋珠果孰珍

贈宗人安東金君實

他鄉遇姓親各道豈同人客散孤亭後鴻飛大海濱  
歡然共長枕密若未分身莫以參商故中忘此意真

湖亭將別贈同榻二子



三游集  
菱歌唱罷起徘徊北渚秋風嫋嫋來銀杏護壇嗟古  
色烏筠著岸惜新栽漁舟實合終年弄鷗鳥何曾與  
我猜對誦義經功未了曙燈牕榻著煙煤

戲吟贈辛先達

太虛亭館玉山詩湖海風流各一時鷗鷺千頭波萬  
頃不知賓主果爲誰

留題浦南僊莊

迢遰高甍鏡水傍寒松一帶拱藩墻簷簷繞院千竿  
碧穉極連庭萬頃黃物大可觀川入海心閒無事酒  
盈觴都將文獻輸佳子讀易深房日月長

橫溪驛

老樹橫溪驛颼颼雨作聲泥深應虎迹天黑尚雞鳴  
誦易疲何有懷山夢不成青芻我馬飽叱可啓晨征  
入洞口

入谷坦而平金繩開覺路蒼杉大連抱擁馬不知數  
扶疎或漏日紅樹以綴補微風來激楚弭節聽韶濩  
五臺山

中臺占位正擅勝一山中龍飛萬嶺拱鷲蹲孤閣崇  
雙林昔示寂珠骨現神通不知誰所擲幻語留吾東

其二

三游集  
西臺落葉積寥闕閉紺園何曾聞一鳥可以鎖六猿  
筒泉湛然滿漢江斯發源吾將十年棲坐閱千里奔

其三

東臺不可卽雲蘿眷千古登之可晞髮半嶺蒼霞舞  
苔泉閔靈液未登鴻漸譜惟有青田鶴浴雛養毛羽

其四

南臺翠森爽映蔚以松楠千秋金匱秘永配靈鑑蒼  
誰知更上頭雲鎖金剛龕吾將隱于茲比迹柱史聃

其五

北臺何縹緲高出六六天前峰三印挂遠勢太白連

楓杉流絳氣注茲甘露泉獨立雲在下寥朗片月懸

上院

上院卽行宮百官備廩倉宸情輕黃屋於此禮空  
王廣殿今無僧霜鐘挂回廊微茫黃竹歌寂寞白毫  
光

漫吟示同游

箕水和溪雨泠泠枕上來屯雲猶下界朗月豈中臺  
卧惜凋紅樹歸愁滑綠苔游蹤畱萬壑鐘外夢徘徊  
出谷

移步臺臺匿孤驂屢渡溪陰晴山内外夷險路東西

道力歆爐鼎征途倦杖鞋新羅二王子奇迹未全迷

其二

別意青霞鬱征鞍紫氣騰看楓真實驛收稻月精僧  
歷險神逾王懷新興倍增村墟煙斷續斜磴入蒼藤

其三

峽裏稱幽僻蓬坪可避兵官倉腐紅粒私堰卧香粳  
石觜魚盈筍籬根蕨可羹五臺無百里農隙採蓼行

其四

雙嶺如懸杵遙瞻已撫膺如何窘陰雨一倍困峻嶒  
若有藏林虎難逢振錫僧泥丸封亦可疊嶂鏟誰能

贈高生達明

別曲禪鐘動秋泉繞寺鳴方同溪雨散獨伴嶺星行  
鳥道蓬坪接鯨波鏡水平湖亭書幌在燈火耿餘情  
臨別贈辛君澤之

湖海情深淺相隨越大關夢涼聞雨驛笳遠踏雲山  
水味臺臺別秋容樹樹斑於焉忽解手嶺月照離顏  
哭俞君四墓述哀追挽

沉沉苦霧中鬱鬱古木叢冥昧非陽界颼颼更淒風  
黃泉深幾里自此入無窮冢人來布茵匍匐淚灌胸  
長號竟莫應三周馬鬣封百年何意氣斂茲四尺崇

三淵集  
不知俞君四能記三淵翁

其二

知君莫如我器異自童稚叅雲鬱豫章望風跣騏驥  
已道步武闊更兼壇宇邃然諾無爽言緩急足仗智  
老成有如此詞翰亦兒戲心期存月朝所勉豈循吏  
馳聲四州牧盤錯亦歷試才堪卓魯架績已龔黃擬  
嗚呼止於此埋沒廊廟器

其三

北山重澤齋奇哉蔚詞林存沒在斯須煙虹乍飛沉  
雪谷松已拱湘丘草更深君似失儷鴈低徊以悲吟

蓬萊乍舒嘯金石裂巖岑大蒙三洲賞謂有兩漢音  
時移所之倦五馬去駸駸微茫栢梁韻斷送單父琴  
幾洋知有所泉下會素心

其四

嗟余實慳慳無堪記問師一飯禮雖先函丈稱非宜  
當由臭味合猥以斗山推何曾服勤懈實有歲寒期  
山川亦緬邈魚鴈不差池常恐死逆旅貽子哭寢悲  
存沒有先後謬戾乃如斯窮途轉涼躡何異失弟時  
烏鳶食夫子殘骸託諸誰

其五

三淵集

卷十五

詩

二十五

惻惻復惻惻念我對門居門前白鵝浴垂柳蔭井渠  
晨昏洛誦樓揚圪子長書游蹤亦散漫雲雪泰封墟  
三淵擬結耦知盟有禽魚悠悠捻虛幻一一露電如  
窮山畱一老良友盡消除星隕殘月玄葉謝危柯虛  
來往淚難盡新家又當車循迹半已翳抽哀却尋初  
遙遙潭州府寂寂孝子廬緘辭寄兩通斯乃薤歌餘  
彥姪新屋成莞篔旣清士敬又來過松院蓮陂  
月出森若江湖探韻得煙字同賦  
新屋開軒敞君來燕賀前披襟松院月散步柳塘煙  
合有登樓作應停泝峽船青畦湖海色白鷺對人眠

南都正 宅夏挽

六尺形軀峙若山洪鐘響出笑談間雖黃不設神僊  
近鱗甲都除氣象閒自是百祥歸長德何曾一日作  
愁顏倏然乘化龍門去萬嶺排衙水似彎

其二

何思何慮自生涯楓岳楓溪出處奇松菊盈堦存晚  
契詩書有種託雙兒貴躋卿月渠猶美格合麻衣我  
敢欺獨恨萍蹤違面久後於臨簣笑談時

其三

思菴別業屬東岡授受風流綠水長個儻賢孫行古

三淵集  
道流離窮漢占僊莊八行華牘仍文券一片青山足  
黍梁存日酬恩愧無地淚如珠子迸幽堂

朴叅判 鳳齡 挽

三清華屋聳昨日鬧蹄輪門戶興衰子邦家可惜人  
鷓原吟夜雨鶴髮叫秋旻存沒觀三世隣翁淚滿巾

崔進士 致城 挽

律光何山下詞源一派來泮芹曾薄採崑玉待良媒  
舉翮雲霄近修文地府催雙親青紫望並命一何哀

其二

宛宛平生面嘻嘻昨日言那知積尸氣偏照上東門

麟峽凶音落鷹巖逸躅存尋常勤訪我知有往來魂

其三

人死家家哭君家無哭聲苔侵累玄木冰至舉丹旌  
殃慶迷天意憐捐見友情松楸知地窄新舊鬼交并

杪秋之望設宗會于心臺酒後口占示同席

此會年年有同人趁趁來筵依鴻鴈序樽向菊花開  
禮以成談笑仁應祝耆鮒逡巡初受拜吾欲使身回

其二

以有黃花會遙從碧海廻堪憐卯君病不見伯康來  
首席頻循髮斜陽強把杯今年何險巖一醉亦奇哉

三淵集  
心臺別寤齋之任安岳

離合何多路君今向岳州山川垂老別楓菊滿園愁  
月隱街鐘度霜重塞鴈道當筵意無限安可一杯休

其二

採藥檀君緬翻經貝葉留青丘瞻九月千嶂聳高秋  
老矣疲宗炳描來待虎頭知君婚嫁畢鳧舄去悠悠

寄題朴士賓書軒

靜夜僊壇月清秋武庫霜江湖送豪士文酒卧高牀  
井古苔侵沼林疎菊倚墻時時琴一弄滿壁畫我洋  
尹斯文士清提惠投四律屬意勤至諷味之餘

步韻却寄

休分城市與山林貴在隨緣體道深身似快駒猶失  
步眼如懸鏡或盲心君平簾下忘言坐摩詰牀前少  
客尋詩到終南投晚契把來奚翅百回吟

其二

高義吾慚李浙東早盲君勝紫陽翁形骸以外何須  
索天地爲官是則雄千古誰知心法妙萬緣都逐眼  
花空成虧一理商量在願聽瑤琴竹院風

其三

垂簾仍塞兌玄覽定淵淵已絕陰符利何須國語傳

三滄集  
山寒聽松外人寂據梧前步履將乘輿論心到性天

其四

磊落軒天地碑成萬口間揚何增一髮貶不剝崇山  
副願終諛墓求妍或幻顏贈君惟務實非敢拙文慳  
露頂軒次主人韻

東隣彥會在城陰停我還山白首吟老境前期知遠  
近燭花明滅酒杯深

贈鵝湖李繼晟

閭巷無閒土江湖作散人賣珠營素舸拋馬卧青蘋  
傑氣鷹同老疎蹤鷺是隣思將稼齋手描出雪簑身

其二

紫陌菱花壁吾詩豈浪留誠知老漁釣不以博公侯  
宦海菰蘆隔樵風舴艋浮却憐咬菜叟投網到溪頭

有借網  
事故云

其三

無事爲能事鵝湖淡蕩中圍碁柳岸雨晒網葦簾風  
鱸膾思蓮相牛歌望磔翁金貂李甥貴十度走遼東

李譯樞卽其  
場方赴燕

訪寧平君 泗山莊

先生如海鶴雪頂卧龍門喪我方憑几憂時舊叫闌



門前九曲水牀上五千言百歲非難越何勞夜夢煩

嘗疏斥黑水又嘗夢神人贈越期二字故第四句及落句云

麥巖鳴鶴齋題石面

汝面之白我則顏蒼惟是皎潔同一心腸

其二

委之荒澗不直一錢登于清案敬若名賢

其三

爾之德也既剛且方允矣可師奉置几傍如朱夫子拜端明黃

其四

煮之則饑漱之則缺枕之斯褻拜之斯瀆穆然相對可師可則

其五

爾在澗中時濯月仍含雪携來虛白室燭照更光潔

其六

嗟吾柔不立剛德企何能人間少師道澗底得良朋

其七

朋徒惟古松韻味亦蒼竹不遇三淵翁誰憐老深谷

其八

吾憎人也躁却美爾為頑坐閱無窮變終偷永劫閒

其九

嶺雪元同色川雲此著根携來置虛室交道在忘言

其十

溪邊閒卧似眠羊多事携來置草堂亂墨塗鴉汚清  
面交情何似米元章

次李都正凍寄示韻

羊角山前百曲川先生歸卧定何年却慚小隱偏於  
靜不及墻東晦迹賢

三淵集卷之十六目錄

詩

鳴鶴齋春帖五首

場巖畱題示同榻諸人四首

文會將罷尹郎萬東先往檠溪悵懷悲悰交切

于中口占以贈二首

栗里詩人惜別畱草堂吟示一律率爾和贈

別俞郎彦銓○五首

俞郎別去畱詩走次却寄

李季愚齊顏內室挽四首

三游集  
彥姪書堂二首

孤游

桂陽客館遇孫見二日悼懷七首

白雲洞遇雨漫吟

洪山陰九采挽四首 卷二三四

通信使佐幕凡四詞客皆我意中人也巖居念

破浪萬里一帆無恙令人神思飛越聊寄四

律各有所屬四首

朴士賓挽十一首

素沙橋

鴈集稻田村人甚苦防守有感于心

鏡湖畱李萬甫宜祿新亭月皎潮生鴈聲無數

鏡湖月夜喜石城宰洪君則重聖携酒來會

安心寺詠柿

得母菴二首

幸到菴

觀雨有懷

見寺樓樑上畫金翅鳥劈海噉龍

鏡湖新亭看主人題壁詩率

和商船

望漢挈山

自鏡湖乘潮溯馬江二首

江頭望見浮山寺

將向臯蘭寺

臯蘭寺

次杜律韻

九折菴月夜

溫陽曉枕

葛院窄舍終夜不交睫

送老菴記實

還谷雲有感

喜新泉入池伴睡僧所引也

雜詠五首

寄用謙二首

病卧華陰念伯氏晬席樂事繁會欣悵交衷聊

以二律抒忱二首

即事二首

自懷二首

待俞郎

寄趙定而

自憐

高生達明有詩步其韻仍作別語以與之二首

第二

家見赴文化告別于谷雲以詩為贈

詠雞

自述

有懷

雪後與俞魚兩君訪松風亭

大雪深谷翔走殆絕俞郎以兩律叩寂余懶於

吟哦只和一首以酬美

披襟使君吳明仲晉周游三釜淵有詩寄來吟

諷之餘輒次其韻

臘月十五曉夢作落花詩只記一聯落來千里

白飛處一園香仍足成一律

博厚室除夕

俞郎以余喜獨往睡菴以了南華隔溪吟望得

三絕以寄二首

見雪偶吟疊聞字寄睡菴書幌

安子柔練老兄惠寄五首詩屬意甚勤余方藥

裹關心而念來美不可孤遂率爾和呈五首

馬嶺吟贈茅洲

臨別口占贈茅洲

又吟

次純行寄來韻却寄

李大來挽 三首 第

徐白川 宗愈挽 五首

辛伯益 相東挽 四首

李子東夫人挽 六首

肅宗大王挽詞 五首 第 一 二 三 五

族姪雨以 時潤挽 五首 第 二 五

族曾孫履禎挽 六首

谷雲春帖 二十一首

偶過鋤櫓亭率爾留題

青松使君駕臨東郊留詩四篇而去余苦茅塞

不能遍和戲次一絕

偶到仰山樓避喧兼避暑興到留題

白雲洞餞青松宜春雲水三使君口占為贈

次士敬韻

奉次三律却贖青松使君 二首 第 一 二

又呈一律略寓微忱

李季愚挽 四首

外兄李右尹 世晟挽 五首

俞判書 命雄挽

外兄李領相 濡挽 四首

哭純行 七首

哭春行

伏和伯氏次鄭文翼公韻

伏和次白沙韻

除夕在青軒念島中燈火不禁悽然隕涕遂次

簡齋岳州韻以俟遙寄

絕筆

三淵集卷之十六

詩

鳴鶴齋春帖 己亥

睡起閒齋一欠伸步憐庭綠始如茵山童已整巾車

待輾向桃村與柳隣

其二

老杏花繁照野明朋來壇上鳥相迎師資講討非黃

卷默契千秋捨瑟情

其三

峒隱先生舊樹焚雪消巖逕始開門迢迢尋寺青驢

三淵集  
小興入曹溪最上源

其四

松籟溪聲曲曲真寧惟百鳥以鳴春  
丁寧對榻伊吾伴諧爾宮商莫奪倫

其五

西樓半丈得天多溪水悠悠檻下過  
應接雲嵐神亦倦歛爲蝴蝶入無何

場巖畱題示同榻諸人

可惜場巖上春來鎖草堂盈樓惟岳色  
穿牖自天光僧過窺苔院雲來護墨莊  
緣溪每緩步驅馬又何忙

其二

堯夫體清健點也興高奇春服成非遠  
巾車命豈遲梨飄盈院雪柳拖繞樓絲  
欵欵黃鸝語知吾谷口期

其三

悠悠離別意豈但在朋知雪巘叅天立  
雲溪向海馳磨將蟻分合鴻與燕差池  
俯仰皆如此何須嘆路歧

其四

惆悵草堂空經冬事業終圖書素版下  
豆粟小甌中調度看生理伊吾愧老翁  
丁寧顧厨婢未錄善炊功

文會將罷尹郎萬東先往檠溪悵懷悲  
悰交切



于中口占以贈

陽坡抽艾柳欣欣  
簷鳥知暄亦命羣  
何事蘆原春意少  
短莎殘雪只孤墳

其二

羸駒短僕向朝宗  
望眼迢迢雪挂松  
燈火磔溪長短話  
定知賓主淚交胸

其三

周誥聱牙衆感眉  
嚼如芻豢似君誰  
三旬食淡神猶爽  
更把冰灘以樂飢

栗里詩人惜別畱草堂吟示一律率爾和贈

白雲與我豈相違  
紫陌隨緣倦則歸  
栗里詩朋畱物色  
曹溪社老許因依  
潭魚谷鳥高深樂  
壇杏園梨次第  
飛試看老夫譚  
易處小樓開闔自風扉

別俞郎

彥銓

河東精悍特無前  
君讀其文擬矯偏  
終然注手無奇效  
未若加功小戴編

其二

慧識道文亦寡仇  
如論證候在輕浮  
摸韓擬柳徒增疾  
勉爾收心學孔周

其三

三淵集  
不識黃公何許人紫陽趨拜仰温淳君家墻外崔夫子須學雍容一味真

其四

樂記文章鼓舞人檀弓言語亦精神終身誦有無窮味可但伊吾費數旬

其五

聖遠言堙千百年樂淪禮壞已茫然呼君脫去三韓陋溟嶽中間講二編

俞郎別去畱詩走次却寄

冰渙前灘可濯巾君歸惜此碧流春雲山自有無窮

趣玉洞何能久滯人剪彩詞華終是幻玩心昭曠獨爲真小車牽挽須君御歸及桃坪草似茵

李季愚

齊顏

內室挽

兩鰥相對坐窮村腹有深悲互吐吞可是莊生能曠達盆歌要有至哀存

其二

斷盡猿腸眼已枯終同孤鳳宿涼梧山阿無限王孫草又見蘋蘩白露濡

其三

夫子冰襟更雪顏房中儷曲卽幽蘭德操元直通來

三淵集  
往稔挹風徽里社間

其四

谷風匍匐終忘德露薤歌遲奄歲廻欲述來芳才力  
薄且宣夫子結腸哀

彥姪書堂

岡壠成環抱桑麻擁茂滋卜居爰得所借景亦云奇  
義社依紅腐慈波仰綠池四松誰所植庭際儼相持

其二

可父堂名好閒閒更有樓暫時爲嘯詠終老擬藏修  
松月琴軒入荷風講席流深山來大阮好得竹間畱

孤遊

負手悠悠去春天野色長柳圍千澮綠花帶萬墳香  
衰世公私瘠勞生老少忙孤遊非取興愁至且彷徨  
桂陽客館遇孫見亡日悼懷

孫見亡日若爲情生死煩寃在廣平獨憶梨花園裏  
坐鶯雛墮地母悲鳴

其二

日月依辰往復來老懷何地不霑腮桂陽客館偏寥  
寂銀杏陰中步綠苔

其三

三淵集

卷十六

詩

五

三淵集  
華陰洞裏好樓居滿耳溪聲滿架書與爾同棲光景  
短殘年抱膝白雲虛

其四

已識魂應無不之深山廣澤定吾隨如將感召宜收  
淚大讀虞書更諷詩

其五

人間少似我頑腸凶事看過若例常卯山風雨臨玄  
壙殉爾書箱與笥囊

其六

潔性知非肉食姿巖居水飲足忘飢蕭條檠舍陳蘋

藻淡薄猶夫哺養時

其七

汝父雖悲豈過余若論知己莫余如眼中見小知多  
少誰纒淵翁未了書

白雲洞遇雨漫吟

久矣畱佳約來逢急雨天斜風紅藥倒亂雷碧松連  
樓坐身如動川觀壑似遷何須谷雲裏籠水遣塵緣

洪山陰

九采挽

蕭條北麓下君亦澤齋人文會宮商協童年氣味醇  
淪亡才且盡俯仰迹皆陳老眼枯無淚題詞僅濕巾

其二

舍德唯賢父純心即孝兄無年此何理於子庶歸成  
勲業留麟閣文星照鳳瀛如何承述願埋沒赤城瑩

其三

小邑頭流下牛刀始發矧依然狎鷗興自在換鵝亭  
卧理瓜時滿浮生草露零孤雲來往地千載滯精靈

其四

先碣吾何力揄揚愧不文多儀禮太腆申札意逾勤  
訃到先樑月魂驚望嶺雲青門橋永渡逝矣奈何君  
通信使佐幕凡四詞客皆我意中人也巖居念

破浪萬里一帆無恙令人神思飛越若與之齊  
橈也聊寄四律各有所屬只可一覽而投水矣  
聲名自朱鳥足目又歸墟天地東南缺文章屈宋餘  
揚帆謝康樂肆筆木玄虛將見鮫宮裏流傳蘿洞書

右申製述

維翰

清心樓有客倚檻看漁舟海底求詩去天邊犯斗遊  
鰲應避釣適龍以奪珠愁富岳金銀氣應從筆下流

右張斯文

應斗

澤國隨龍節銀河赤岸中文章還使事敏捷自家風  
曷見詞源竭徒聞眼力窮巖居馳遠想浩若爾船同

右成上舍 夢良

尋常詩境窄剩水與殘山鷓路凌三島鮫宮繞百蠻  
煙眠板城下霜飲橘林間促促滕王閣樵風乍往還

右鄭詞人 後僑

朴士賓挽

惻惻田橫客招招宋玉師謂君將誅我我反作哀詞

其二

傑氣青丘窄維楊土可埋悠悠魂所在天地四方皆

其三

維南清淑氣蟠作月山高迢迢風馬往朗詠挹盧敖

其四

磨天臺萬丈雲浪浩瀛洲虛無釣鰲處童子所遨遊

其五

玉立崑盧峻高於落鴈峰驚人有奇句吟動九淵龍

其六

幽期雪嶽邃高興水簾翻當時同卧石雲袂著成痕

其七

龍湖三百頃倚檻是浮家蘆花明月在鷗鷺叫圓沙

其八

江湖豪興盡捲迹入三清鶴觀留奇躅松風落子聲

三游集  
其九

歸來休遠適君室靜閒安圖書煥盈壁泉井澹生瀾

其十

牛眠葬有地魚躍拂于池不復載營魄歸來魂在茲

其十一

漠漠天磨黑王難雨滿輻聊爲五字誄難竭百年悲

素沙橋

三南往必此橋經界屬陽城遠樹青名利相逢人布  
路短長交遞馬尋亭萑符小患聞宵警羽衛清塵問  
晝停無怪殘碑苔滿面十過吾已鬢星星

鴈集稻田村人甚苦防守有感于心

沙田暝鴈亂呼朋護稻家家理弋矰飛入冥冥何氣  
象只緣求食受人憎

鏡湖畱李萬甫

宜祿

新亭月皎潮生鴈聲無數

漫浪東西迹秋風又鏡湖潮連浙江漲鴈向楚雲呼  
烽塢風敲竹漁村月挂梧名亭已易主撫往起悲吁  
鏡湖月夜喜石城宰洪君則

重聖

携酒來會

懶欲踰蘆嶺如將老鏡湖臨臯還一鶴葉縣又雙鳧  
竹澗聞潮進梧庭望月孤湖光浩無限歛灩石城壺  
安心寺詠柿

三泐集  
磊磊如星著樹端寺樓初日耀朱欄霜濃漸見甘津  
結剝後真成碩果團龍荔珍奇嫌體瑣楂梨標格欠  
顏丹居僧快意吞虬卵瓊液玻瓈侑客歡

得母菴

孫家得母事奇殊禪衲胡爲此結廬須知狗子非無  
性慈孝相憐藹厥初禪有看狗子話故云

其二

得母懸崖古有人壽昌江革與同倫摩耶腹裏胚胎  
者恩重經中未捨親釋伽說父母恩重經故云摩耶釋伽母也

幸到菴

幸到禪師迹有無白雲長戴一菴孤軍持挂壁苔封  
竈石罅唯看汲路紆

觀雨有懷

諸天向曙雨濛濛響合庭篁與壑松倚遍朱欄舒嘯  
永去畱愁在兩湖中

見寺樓樑上畫金翅鳥劈海噉龍

龍能變化愁金翅虎亦雄獰怯火獅天下易窮惟智  
力卑謙終作萬人師

鏡湖新亭看主人題壁詩率

和  
依舊高亭倚柱吟寒江注目感何深潮來潮去北南



三洲集  
垞人哭人歌今古心歧路回環頭共白參辰出沒歲  
將陰蒼茫似未離兜率錯認漁村作少林

商船

潮退商船滯多於柳岸憑瑟瑟賽神鼓炯炯數錢燈  
妻子風波樂魚鹽轉換能蘆洲無數鴈喧靜與相仍

望漢挈山

大陸窮蹄轍瀛洲在杳茫由來秘藥物不是少帆檣  
星照宛駒背霜分楚橘香清秋望不極一點蜃雲蒼

自鏡湖乘潮溯馬江

弦日潮無力凌濤緩緩行孤煙烽燧退雙樹佛巖呈

逐施湖開面迎逢鴈有聲船人指相語唐將所藏兵

佛巖寺名

其二

長路風埃困閒閒溯浦船好樓知鄭氏膏壤問林川  
潮及蒼篁塢霜加白苧田蕭辰興猶短桃浪想春天

江頭望見浮山寺

浮山短日下微茫蘭老花凋感慨長江闊猶傳唐將  
渡塔高奚救義慈仁蒼崖入望知棲鶻古道生陰欲  
返羊來往知津惟過客廢興無管是空王

將向臯蘭寺

三游集  
一線垂微徑扶藜下小船風恬仍景朗壁聳更沙圓  
鳧鴈揚靈外魚龍弔古前蘭歌易愁怨誰送酒如泉

臯蘭寺

中流釣船在吾欲與偕征葉盡浮山寺煙輕半月城  
停橈撫龍迹擊磬見僧情崖腹冷泉出堪經陸羽評

舟到寺下居僧擊磬其僧甚淳謹擊至百千聲故云

次杜律韻

波心窺色相巖上卽朱樓無復宮娥在徒然佛界浮  
神鴉啼絕壁閒鷺引輕舟今古爭留迹難停逝水流  
九折菴月夜

浙瀝飛霜洒客袍坐來山月已高高金銀淨土光難  
定颺颺幽叢影莫逃梵放遙合蘭寺磬溪喧半似馬  
江潮已知三界渾如夢來往浮蹤亦太勞

溫陽曉枕

縣郭嗚嗚角驚吾過去魂號天其曷極扶櫬此來奔  
先壠迷狐首君聞畏虎蹲更思將母苦如海淚猶翻  
葛院窄舍終夜不交睫

男兒浩然氣舒可塞乾坤歛束還圭竇棲遲卽席門  
安應容膝止樂亦曲肱存曉枕依倚夢盆池躍巨鯤  
送老菴記實

三游集  
山曉征鞍歇聞溪更倚楹依前玉奴拙一味洞陰清  
閱我松杉茂美渠場圃盈西隣洪叟病誰與講巖耕

還谷雲有感

昔往花如錦今來雪滿山消磨馬上日衰颯鏡中顏  
事有違心數天於進步慳方知千日睡能致大丹還  
喜新泉入池伴睡僧所引也

刊木川隨鍾流行亂石中禪機於此活禹鑿與之同  
雲碓傳聲舉瓜疇受潤豐窮途無快意閒事見流通

雜詠

今曉看微雪寒居意味存山荒煙借潤湍縮石畱痕

每以身臨井那因病閉門牆東橫一徑知入給孤園

其二

寥落維摩室天寒病更侵林風虛攪枕山月巧窺衾  
祇苦難交睫誰存未發心疇雞啼亦懶仰秣櫪牛吟

其三

山月柴扉外金波漫自流無朋誰掃石有病莫登樓  
夜氣歸牀席天光昧鏡鈎誠非清不寐耿耿及晨愁

其四

出沒非無數盈虧亦有期比坤形孰大與日步誰遲  
湯利言新巧關閩理合離兎蟾終默默何處質吾疑

三淵集  
湯利皆西洋國  
人詳論曆法

其五

吾貧更巖處心力亦多疲松雪樵柯鈍泉水汲綆遲  
不爐猶可學中食或能爲一事堪愁歎賓來闕酒卮

寄用謙

悶爾終年不讀書忽然奮迅意何如顏希大愛仁斯  
在孟學宣尼願不虛企羨多從名利起筭量難越飽  
溫餘城南勉子非高致要在高軒與大閭

其二

咸陽高殿祖龍居亭長稱爲大丈夫司馬小名驚一

巷搏鵬萬里鼓雄圖文章有錄誰分等道學難名或  
可誣紅白牌中青萬眼宜令一世競奔趨

病卧華陰念伯氏晬席樂事繁會欣悵交衷聊  
以二律抒忱

耆司巍坐日三年晬日朋來酒似泉周泮採芹孫造  
膝却庭攀桂子登筵獸樽已共 龍顏醉鳩杖爭瞻  
鳳沼僊可但私門仰高朗邦光永與極星懸

其二

天行不息若輪周君子乾乾道與侔四體宜看勞後  
逸一心須著樂中憂臨淵集木周人戒滿月繁英邵

子愁衛武年高猶敏德趙文耄及詎非羞

卽事

華岳當樓大崢嶸歲暮時風回輸雪驟難迅結冰遲  
酒熟頻窺甕書拋且下帷向來誇少疾今覺是身衰

其二

欲寐還魂悸墻東豈虎行山風一何急板屋有時鳴  
枕欲龍泉倚牀宜鳳尾橫隣僧願同榻謝遣太無情

其三

積雪盈庭院寥寥書一牀剡溪閒往返潛岳太顛狂  
叢桂前峰翳寒梅隔嶺香淺斟仍獨卧爐上更茶鐺

自懷

京洛多虞日山林不寐宵堪憐萬民瘁常恐一方搖  
漁採通吳越煙塵到薊遼遲徊水鏡子不赴鹿門招

其二

澗道惟冰雪吾方獨閉門瓜分見女室荆瘁弟兄圍  
邊豆垂歡趣山川幾旅魂安危天下慮離合且休論

待俞郎

返照東峰雪遙天紫靄橫光陰隨顧眄心事有將迎  
大嶺遶文會孤松緬世情小奴猶愛靜依例掩柴荆

寄趙定而

三淵集  
橘柚朝天館梅篁息影堂瀛洲殊恍惚瑞石亦微茫  
可恨身無翼終憐病在牀樓思鳳棲倚歌憶鷓鴣長

自憐

病祟流金暑淹延到雪天眩來搖五岳嘔上涌三川  
赤豆差除濕清茶利滌羶漸能滋味薄將躡吸風僊

高生達明有詩步其韻仍作別語以與之

塵務埋頭理窟深君來似愛此巖岑曾無燈下整襟  
坐所愧門前立雪心語到歲天交會細詩依鍾律迭  
生吟良宵邂逅兼南至妙處寧容著意尋

其二

高卧雲臺夜雪深臨瀛知隔幾重岑居山尚戀溟湖  
樂說易先看天地心梅傍釣臺饒一笑竹摩書幌向  
誰吟吾詩散軼煩收拾須向鰲鵬背上尋

家兒赴文化告別于谷雲以詩爲贈

天寒海曲遠之官檠澗荒拋屋數間今日窮猿難擇  
木他時倦鳥自知還簿書致謹懲前慢廩饑裁豐念  
素艱此老隨緣來去好應將九月作家山

詠雞

由來同草屋賴爾警晨興不迷風雨寒何畏雪冰  
星移非有準漏盡與相仍未調方頻促金鴉次第騰

自述

已復成衰相支離只可憐求衣須日出櫛髮畏風前  
耳籟冰灘雜瞳花雪樹連寒猶吠似豹魂悸不成眠  
有懷

雪巘渾如白玉成中安一榻抱孤清茅簷月射雞猶  
靜槽榼冰留馬或鳴北洞圍爐誰送炭西州露冕幾  
淹程還山只爲便身計身外憂繁苦未平

雪後與俞魚兩君訪松風亭

南華講罷興悠然步到松亭雪滿川莫遣山童煩掃  
石圖書意象本幽玄

大雪深谷翔走殆絕板屋下帷炯炯孤燭照人  
一部義經與南華聯案毋論所得如何靜趣可  
知俞郎以兩律叩寂備見同榻韻味余懶於吟  
哦只和一首以酬美詩雖不響境則難朽早晚  
入棘園時題著扇面而往可也

七旬人事又殘年猶自翛然運物邊雪谷平沉仍守  
素燭花明滅用鈎玄義經在手平生業園吏知心萬  
世緣往往風簷孤磬動堪悲山外捻昏眠

披襟使君吳明仲

晉周

游三釜淵有詩寄來吟

諷之餘輒次其韻

昔我抱犢去冥棲太華山彈琴五曲裏斫畚萬石間  
一出漫棲棲芳杜亦厚顏瀑落每龍騰淵停卽鯢桓  
長留偃蹇桂空遣傲吏攀詩來感嘆長回首雪封巒  
臘月十五曉夢作落花詩只記一聯落來千里  
白飛處一園香仍足成一律

冉冉花辭樹韶華有底忙落來千里白飛處一園香  
化蝶猶僂夢聞鶯且酒觴高情榮悴外數句餞東皇  
博厚室除夕

窮山秉燭不成歡星漢斜飛欲曉寒浙瀝松風非爆  
竹蕭條板屋缺椒盤終冬卧雪猶能耐此夕忘年也

是難隔幌呼盧僮隊戲少年行樂憶長安

俞郎以余喜獨暫往睡菴以了南華隔溪吟望

得三絕以寄庚子

孤雲不欲是非聞我厭溪聲亦太喧一榻伊吾殊起  
鬧歛書君且寄禪門

其二

巖居曾不怨離羣一榻猶慳與子分却下空簾觀鼻  
白繞身唯有雪和雲

其三

片月迢迢度雪峰知君散步獨看松書樓小磬因風



三淵集  
動遙應南華誦處鐘

見雪偶吟疊聞字寄睡菴書幌

微霰霑庭睡不聞山童擁篲曉方喧應知佛界埋高  
檜虎吼溪南未到門

安子柔

練

老兄惠寄五首詩屬意甚勤余方藥

裹關心而念來美不可孤遂率爾和呈

每憐吾老友烏帽滯黃塵未展蟠胸略難爲有脚春  
一麾猶礙格寸祿豈腴身講定惟邊豆 陵裡幾次  
輪

其二

迂拙兼衰病還山豈愛山喜無溪撼枕愁見雪侵關  
夙志慚三秀衰顏負九還拋書詩亦廢靈府有餘閒

其三

蕭條已後大庭時晚託巖棲尚恨遲金馬君應擬方  
朔雲臺吾敢慕希夷華夷逆順迷天意否泰陂平著  
卦辭每怪順昌山裏客百年後事也能知

其四

朝野恬嬉事更紛勤於職次絕無聞誰知馮老能論  
將自笑崔丞漫績文耐劇真成困于紱憂時猶欲渙  
其羣終應脫屣蓬萊去欲覓安期但海雲

三游集  
其五  
但使靈襟不著塵巖難商嶺卽比隣山居長傲知吾  
病有愧心臺大隱人

馬嶺吟贈茅洲

聞君發自青楓溪料理青騾與青藜見言馬嶺不可  
踰石棧詰屈撐雲梯徒能養體未養志詎識乃翁度  
外事仰天大笑翁出門望望白雲騁神轡百年蘊奇  
我華陰世父卧處誰能尋高山漠漠叢桂峰晚鐘隱  
隱伴睡菴松風亭闌赤欄橫人文石古碧蘚侵花開  
花落春復春鳥自求友但好音病夫何能善報答待

君一到揚高吟預掃盤陀白石圓散置筆硯當遙岑  
此山堪與慶雲叅遠韻高情豈古今清寒禪躅畱一  
塔守菴水解猶玄潭斯人無愧巢許倫我輩亦非塵  
土襟遮莫磨天嶺崔嵬枕流漱石且忘廻尋搜萬壑  
豈倉卒上下九曲窮沿洄武夷先生棹歌長笑殺游  
人不上來君能獨尋此佳境賁然文藻畱池臺歸去  
更演反招隱播諸梨園樂譜哉

臨別口占贈茅洲

板屋張晨燭溪聲滿一牀簷雲乍飛散弦月亦微茫  
講未義經了愁非馬嶺長巖間幽夢動去逐蘂城檣

又吟

雲臺身世近羲皇春日遲遲睡味長  
花笑鳥歌將出定故人先已造繩牀

次純行寄來韻却寄

新春雲雪半陰晴山欲開顏澗有聲  
杖屨平臯舒局促圖書小閣納昭明  
扶衰實荷陽和力處靜猶慚妙道行  
筆硯未焚花鳥逼恐因吟哢杜權輕

春來恐為花鳥所勝故云

李大來挽

可惜斯人逝淳風不復餘長隨紫煙客  
虛卜白蓮居

薄歛惟斜被靈帷即倚廬緣詩窮到底為善報何如

其二

豈在頻徵逐逢時一笑呈蒼顏非俗態  
淡水自交情菊日留詩軸松陰散奕枰  
風流士賓宅隣笛遽連聲

其三

生死交情見君嘗誅圃陰嚶鳴切黃鳥  
流水咽孤琴舊要揄揚到天倫感著深  
吾今徒有淚相紉愧庸音

徐白川 宗愈挽

達城英妙挺豐盈冰玉相求自我兄  
何限門闌騰喜氣佇看平步到公卿

其二

才優製錦小完山遊刃銀川入有間龔黃聲續如斯  
止萬里鵬程闕碧瀾

其三

三啤左轂在斯須泡沫風燈不翅如鈴閣妻兒治飯  
待朱衣使者已傳符

其四

金谷倉邊雨滿津我停歸棹乍逡巡猶畱惠澤漁村  
遍泣述蒼黃屬續晨

其五

逝水三洲舊館空與君睽闊幾年中悠悠宇宙兒童  
盡耐涕窮山一秃翁

辛伯益

相東

挽

家聲蓋世得官微詩格超羣出氣遲蕪沒銀川田百  
頃持螯把酒是生涯

其二

從先人葬淑人從海抱齋朝馬鬣封借問泉臺南面  
樂沉冥何似醉鄉中

其三

同隣同塾又同齡老眼雖花遇輒青去歲關王廟中

三淵集  
坐逐人魂返涕俱零

其四

筆秃遲回露薤章誠微落莫漬綿觴寢門一哭千峰  
阻大隱巖前恨水長

李子東夫人挽

良友云亡歲月深駱山門館鎖秋陰龍章不復塵中  
在又見鸞閨隻影沉

其二

秋蘭韻臭自幽閒合就霜松側畔看友道裁洋能解  
曲早知琴瑟有清懽

其三

四邑魚軒不自榮佐君冰檠到澄清金泥品誥徒煌  
燿未改東村短布荆

其四

繫馬閒庭踐舊苔身同弔鶴乍徘徊孤哀執手將何  
語駱岫含情送客迴

其五

往事悠悠望海哀峴山高閣湛金壘綈袍一襲紆心  
貺知自中閨熨帖來

其六

三淵集

卷十六

詩

二十三

三淵集  
慚愧金華廣絕交貨財筋力兩無聊駒原穿墓徒遙  
想題挽秋山淚自飄

肅宗大王挽詞

剛健重天以宣昭萬目張冲年瞻獨御末運撫逾昌  
神武歸玄默文思著典章菁華猶未竭胡乃遽寒裳

其二

允矣 寧陵體傳心事有稽皇壇戔玉瓊儒院賁璿  
題大義斯撐極邪辭永杜蹊丁寧金石訓燕翼俾無  
迷

其三

往牒觀君舉無多允德終唐家悲翠羽宋帝悼瑤宮  
日月更增麗乾坤整益崇珠丘萬歲奉神理有融通

其四

憂勤爲疾崇未懈紫宸朝禹饁三飧淡堯眉八彩凋  
捐金內帑竭移粟絕瀛遙 哀詔從中降於茲儉德  
昭

其五

鳳綈因山逼龍池逝水忙虛陳文具几遙隔白雲鄉  
萬井雷號徹千官雨泣長窮林小臣在哭抱賜書箱  
族姪雨以時潤挽

三淵集  
末路淳風盡吾宗有好人詩情自家學酒所見天真  
不作攢眉態常含滿面春一麾猶蹇步萬事止中身

其二

疎密依違際持衡乃有君陽秋皮裏在涇渭面前分  
莫陸知斯夫芝蘭喜共薰鰲頭隣鳳頂曾不歎離羣

其三

北里看梅曉冰葩倒酒中韋家花樹是阮氏竹林同  
幻迹鳧騰鳥清歡燭散風蕭條嘆逝賦吟向介湖翁

其四

書自丹丘遠來穿萬嶺遲憐貧王老濟誇興謝公奇

闊略傳筒地驚呼設位時三山饒火棗胡不遇安期

其五

桐鄉事倉卒魂魄定盤桓客土逢科小冬天芑翦寒  
曾慚愛子託今作路人看詞到違旌翼新阡草露溥  
族曾孫履頑挽

西溪松栢林鬱然歲月深孤蘭生其傍芳意藹庭陰  
雖非九畹滋可間幽人襟嚴霜殄何暴惻惻傷我心

其二

蒙泉靜以清塵不汨其中斤斤介湖翁善導使之東  
盈科稍自進庶幾底亨通居然見絕涸惜哉濬治功

其二

多男例多懼一男斯可娛醇心克禔身父母其怡愉  
琅琅牕外讀婉婉庭下趨聲消影亦沉廓然是身孤

其四

哀猿腸欲絕鳴聲益辛酸病鶴獨在陰索和猶盤桓  
煩冤膝下積愛河何由乾斑衣倚總帷風至颯姍姍

其五

東門情太薄西河意未寬由來失子者處憾良亦難  
忘之既不忍哭來無時閒推生慰孝誠苟無蝕爾肝

其六

靈輶轆溪口晨祖出白門湖天下微霰丹旒與飄翻  
營營在窻空事了只返魂嗚呼蘭谷祖善庇爾慈孫

谷雲春帖 辛丑

深宵潭漾天心月清霽牕搖隙裏塵持向靈臺以自  
照致虛方見本來真

其二

本地風光自我廬巖花萬朵繞軒除臨潭更欲追莊  
惠石級頻跳竹葉魚

其三

丁丁伐木隔溪聲寂寂虛庭一鳥鳴穿過白雲僧不



三洲集  
住知余喜睡懶將迎

右書堂

半生禽尚與徜徉晚景心期杜五郎  
墻下桑陰休亦懶淨名玄理已全忘

右博厚室

深深閉戶待時開拍拍條風拂面來  
融盡庭陰盈丈雪坐看新綠著陳芟

右悠久堂

物化洋洋大矣哉胸中活物與徘徊  
春來虛掩藏書閣一任牙籤浸碧苔

其二

七十韶光露電看彩花銀勝莫追歡  
殘年飽喫春州菜黃韭青蒿又滿盤

右高明樓

東風來似舞輪納遠峰嵐更有新經濟  
虹橋架碧潭

其二

天造堂壇勢巖擎白板亭春流來觸檻  
興會入潏泠

右宛在亭

坐送桃花水行看躑躅紅忘機俯魚級  
心醉彩霞中

右樓東楹

春山遠燒遍雨洗碧嶙峋  
墻頭歌嘯往半是斫畚人

其二

雲崖伐木響風院讀書聲  
天然諧律呂休雜衆禽鳴

右樓西楹

雪化門前水嵐騰檻外峰  
雲臺據梧久從此理閒筇

其二

舊疾逢春失僂僂兩袂輕  
青田尋瀑去蒼鹿讓先行

右樓南楹

鬢雪添多少童心觸境生  
忽看庭畔草同我悔端萌

右堂楹

邵子車偏小希夷枕亦高  
太半閒世界花鳥伴人豪

右室楹

奴拙增清福隣淳會古心  
于于飲且食送老華之陰

右厨楹

一源長汲水萬指不窮薪  
壺漿隣叟共場粒野禽馴

右厨間

一瓶彭澤粟數石王通黍  
窮老心無餒自知其樂處

右庫間

晝院聞機響前秋所績麻  
饁田時亦近乘雨莫停梭

右婢房

三游集  
堂停坎坎鼓場收嶷嶷梁熊耕豕能買洗腆進壺觴  
右隣家

偶過鋤櫓亭率爾留題

彭澤歸來後天隨漫浪時東湖放船闊南畝插秧遲  
有事如無事忘飢也不飢巖棲生理窄思就瀼西移  
青松使君駕臨東郊之白蓮池留詩四篇而去  
余苦茅塞不能遍和戲次一絕

青松太守馬如龍停蓋東陂草樹濃莫怪淵翁偏傲  
客已將心契託芙蓉

偶到仰山樓避喧兼避暑興到留題

嫌鬧吾何往西園即素心移衾入楓栝卷箔眄巖岑  
驢吼溪聲小鵝眠草色深都無城市意坐久自成吟  
白雲洞餞青松宜春雲水三使君口占爲贈

離筵三太守僊洞一高亭酒盡南天闊巖間倒玉瓶  
次士敬韻

忽復涼飈動南天橫素雲同人此爲別五馬却成羣  
乍見壺觴覆遙憐嶺水分雲臺更深入孤枕夢三君  
奉次三律却贖青松使君

遲暮白雲約後期其有無衰荷猶可贈叢桂且孤徂  
迹伴中林鹿魂隨遠縣鳧青松亦佳號知與七松符

其二

涼天颯華髮僊尉意何如洗藥池雖遠營丹計不疎  
行厨松作粥官樹柿堪書環郡多巖岫看雲簿牒餘

其三

古昌綿胄緒吾祖邁昭天立廟斯為主論功孰在前  
謬訛今始正迷滯只堪憐祇謁當衰白知君亦醜然  
又呈一律略寓微忱

吏黠民頑在在云青鳧一邑保真淳知君已是便宜  
得卽事應須簡易循魚在淵中焉用察雉來車下自  
能馴蒲鞭挂壁苔生印纘慶樓前别有春

李季愚挽

天潢福澤限銀朱紈綺風流早脫疎吸露高林蟬腹  
冷蕭條山澤一身癯

其二

雅話巖泉竹素中對來懷古意無窮聰明博辯人非  
少難得如君守拙沖

其三

淵明喜接柴桑宅太白勤尋范野人閒界往還風味  
別市交肩袂爾紛纒

其四

三淵集  
觀雨閒庭萬點漚何先何後乍沉浮梵音一與詩筒  
絕踽踽巖阿對影留

外兄李右尹世晟挽

滿面陽和色遙知是淑人衰年逾樂善澆世獨含淳  
仕路權機澀家風子弟馴剩留無盡福乘化返吾真

其二

勤敏平生事寬閒大耋娛蠅書修譜牒鶴髮卧江湖  
樂地爲人美韶華向客敷家園桑棗裏窀穸叶青烏

其三

倘寄看軒冕無營爵祿紆何曾累靈府到底遇夷途

暗合因循道回憐怵迫徒二知曾屬記堂在結悲吁

其四

前秋度錦水公已掃池堂菊老霜飛院粳香月到場  
闕忙容鬢駐懽懽話言長不復雞山仰舍悲遠岫蒼

其五

南北猶遼邈幽明始阻深悠悠催葬日漠漠又秋霖  
巖穴身如繫總麻淚滿襟臺萊千歲祝薤露此何音

俞判書命雄挽

眼看衰俗太澆漓公在淳風尚可追老境依然赤子  
意名途猶是紫芝眉陽秋皮裏存清裁詩禮庭前檢

三淵集  
可見舉世尚功無品藻江湖魚鳥也含悲

外兄李領相

濡挽

風範端爲貴忠勤老不衰急流猶緩步平世獨攢眉  
慘愴安邦策紆回體物慈黃樞多日月歛用去乘箕

其二

涖上民猶活湖南化克宣匪躬惟素志視蔭豈衰年  
百雉紆規畫千駉入塞淵如論綜理密陶侃與隨肩

其三

燕居深念在何日不京京已是忘貞疾如將覩太平  
布衾君實寢顧語子囊城鬱鬱光山土難埋此血誠

其四

三清移枕席便是鹿川情綠野非遙墅東山不離城  
星壇安藥竈鶴髮偃風楹回首猶精爽堪疑岱岳征

哭純行

我病君能念君亡我不知我洋斷何易露電迅如斯  
麟峽清真契鷹巖寂寞期今焉無可討皓首向天悲

其二

天下無窮事吾東幾箇儒逢君輒揚扨會意兩敷腴  
龜馬挑圓象鳶魚待密符朝聞快夕死嗟爾願終孤

其三

東臨滄海日拍手水城隅烏兔看機活鯨蝦會分殊  
心忙千歲促步闊萬緣紆玉塵空名理王濛短可吁

其四

濂書幾處講三復在純心餘韻如將理宏綱庶共尋  
三山真小試庶士尚不欽到處堪風動中途竟泯沉

其五

嶺外琴軒閬巖間板屋深無靈雙鶴髮善幻老天心  
惡境奔號並平居影像森松曾遇風拔溪始斷腸吟

其六

山丘惟皓雪華屋更玄陰菴遠經聲暖庭空舞影沉

寥寥留宿物一一見深心文獻專門意孤兒待繹尋

其七

幽明四十日未有夢來晨疇昔論君愴於焉感屈伸  
魚池儼將拂雞酒薄言陳趁緋無筋力知非永悼人

哭春行

雪岳卧雲夕知爾骨力壯華陰咬菜日知爾胃氣旺  
爲心更祥淳雅度兼恢量能與物無競宜爲神所相  
齡胡子淵等福卽窮奇讓茲理莫致詰巫咸不可訪  
爾抱亡琴慟孑然思俱往十字橋喧卑觀瀾亭浩蕩  
斯世隘可厭携手入漭瀆風馬與尻輪適意亦快爽

獨無念雙親垂白在堂上千里隔含歛一木翳形像  
庭留鯉趨迹臺無子可望落莫身後事繼絕無指向  
曾謂爾老成不以此悒快時曩鬼肆惡命物失弛張  
宗彥好琳琅逐歲見凋喪將朽學古骨甫經誠仲葬  
埋爾亦云迫齋恨卽黃壤窮命豈帶累平昔誤培獎  
如折左右肱無以更鼓掌登山與臨水誰復操几杖  
乾坤一懸疣伴影惟魍魎嗟爾求道意憂在雞犬放  
頻來撫心嘆願承金篋貺那能大爐鞴但有閒酬唱  
鏗鏘百淵詠巖岫殷餘響寥落清夢榻煙煤結幽幌  
撫躅捻宛轉承凶尚愴怳一慟病相仍支離匪無妄

沉沉北麓卧老淚衾前漲旌翼儼將動日穿維楊墻  
偃僂此來哭伸哀後宗黨區區一寸忱靈兮庶其亮

伏和伯氏次鄭文翼公韻

玄冰屢曩亘遙原北岸名亭亦戴恩倚伏人間誰究  
理安危目下遽雙魂孤忠已任身如葉闊眼將看海  
似盆且使蠻蜒歌九罟青春作伴返脩門

伏和次白沙韻

悲憤交中睡思微驛亭殘淚尚泅衣墻西皓鶴頻啼  
月若喚軒翁使迅歸

除夕在青軒念島中燈火不禁悽然隕涕遂次



簡齋岳州韻以俟遙寄

驟幻滄桑歲且更彼蒼何意厭昇平一腔寸血無由  
瀝千里孤燈與共明讎鬼窺人魑魅並鯨濤撼屋睡  
魔驚應憐病弟青軒夕獨對殘荆半死生

絕筆 壬寅

宿願平生在玩心高明峰下細研尋風埃老死東郊  
外奇意青霞永鬱沉 高明峯在百淵

三淵集卷之十六



